

citur deueniri, cum ab exili calore occupatur moles, & medium constituitur ens; quod tandiu durat in tali natura, quandiu calor inditus non deturbatur à frigore omnino; (quod per raro euenit, sed potius conuertitur in ens mitius calidum) vel tale opus à robustiore, ac copiosiore calore in calidius ens, & tenuius vel totum, vel partes eius aguntur. Itaque non est imaginandum actionem deficere, nec contrarietatem, vt optimè declarat Teleſius, idèd probandum est ei media nõ repugnare. Nos quidem dicimus, quòd quæ sunt exili calore donata, non habent frigus internum, sed quòd pugnat ab extra, nulla enim sunt entia, præter terram, profus à frigore constituta, sed quæuis à calore, & calor quatumuis immitus semper agit, sic frigus.

Secundò Marta probabat intentum sic, horum cõtrariorum alterum Marta. 2. est fortius, alterum verò minus fortè: tunc minus ager in maius continuo: vel ergò motus erit infinitus, vel deueniremus ad equalitatem, & sic non esset complexio, patet contra entia: nam frigiditas est minor parte, & agit patiturq; à calore, & si potentia minor ager in maiorem: tunc sequeretur opinio Steracliti ab Arist. impugnata. Respõdet Teleſius, quod Thomas. R. minus agit in minus, sol, scilicet, in terram, & continuo eam inuertit in diuersa entia, continuoq; frigus instaurat se, & cum potest, occupat opera caloris, & semper sunt in continuo motu à sui creatione vsq; ad finem vniuersi, vt docet in 1. mai. capit. 1. ita quòd non valet id quod sumit, vel fiet equalitas, profus autem hoc argumentum est contra Arist. asserentem motum infinitum, rerumq; generationem, ac corruptionem, & motum cœli. Et elementorù partes in inuicem agere, mixtaq; facere. tumq; Arist. id non exponat totum reflectitur in ipsum argumentum. cum autem ait Marta, minus agit in maius; ergò sequeretur opinio Steracliti, nescit quid dicat Stera. enim posuit maius agere in minus, scilicet, ignem in cætera elementa, & omnia fore conuertenda in ignem ab aëritate nimia illius, vt t. 3. 3. phy. text. 46. alia verò Ster. opinio nulla huic proposito potest aptari, & legentibus Arist. palam fiet: hæc verò sententia non sequitur nobis, vt docet Teleſius in primo min. cap. 3. & 6. & 1. mai. cap. 5. & 2. mai. cap. 16. nosq; inferius declarabimus.

Tertiò aiebat, sequeretur quòd caliditas tantum esset actiua quantum Marta. 3. resistitiua, quod falsum est, inquit, etenim plus potest calor in vnum, quam frigus in mille; quia caliditas per idem ageret in frigiditatem per quod ei resisteret, ergò tantum est resistitiua, quantum actiua: nam si agit per duo, & resistit, vt vnum, generatio: idem erit vt duo, & vt vnum, & sic vnum, & non vnum. Si per vnum agit, & per alterum resistit, sit a, per quod agit, & b, per quod resistit, cum realiter a, & b, distinguantur, corruptatur a remanente ipso b certum est, quòd a in sui corruptione resistet, vel igitur seipso, vel alio, si alio ergò processus infinitus, si seipso ergò standum erat in primo, quòd calor seipso resistebat, & cum se ipso